

REGLUGERÐ

um breyting á reglugerð nr. 269/1973, um mjólk og mjólkurvörur,
með síðari breytingum.

1. gr.

4. gr. orðist svo:

- 4.1. Gerilsneyðing er hitun mjólkur og mjólkurvöru í þeim tilgangi að sneypa vöruna að nokkru eða öllu leyti lifandi gerlum og skal fara fram í tækjum sem Heilbrigðiseftirlit ríkisins viðurkennir og samkvæmt eftirfarandi aðferðum:
- a) Hitun upp í 62—65°C í 30 mínútur.
 - b) Hitun upp í 72—78°C í 15—20 sekúndur.
 - c) Hitun upp í 81—95°C.
 - d) Hitun upp í 135—150°C (U.H.T.-hitun).
 - e) Hitun upp í 63—68°C í 15 sekúndur (forhitun).
- 4.2. Ef beita á öðrum gerilsneyðingaraðferðum skal leita samþykkis Heilbrigðiseftirlits ríkisins til þess hverju sinni.

2. gr.

39. gr. 3. tl. orðist svo:

- 39.3. Af rafkældri mjólk, sem flutt er til mjólkurstöðvar skal hjá hverjum framleiðanda taka vikulega sýni úr kæligeymi eða kældum brúsum til gerlaræktunar og talningar. Skulu sýnin flokkuð við móttöku mjólkurinnar í stöðinni með eftirfarandi aðferð:
- Gerlaræktun og talning (P.C. æti í 72 klst. við 30°C).

- 1. flokkur: 0—250 000 gerlar pr. ml.
- 2. flokkur: 250 000—600 000 gerlar pr. ml.
- 3. flokkur: 600 000 og fleiri gerlar pr. ml.

Að fengnu leyfi Heilbrigðiseftirlits ríkisins er þó heimilt að nota forhitaða litprófun eftir að mjólkinn hefur verið geymd við 14°C í 18 klst. (preinkubert reduktaseprufa) í stað gerlatalningar skv. ofanskráðu til flokkunar á mjólk. Skal mjólkinn þá flokkuð þannig:

- 1. flokkur: Aflitun eftir meira en 3 klst.
- 2. flokkur: Aflitun á 1—3 klst.
- 3. flokkur: Aflitun á minna en 1 klst.

3. gr.

40. gr. 4. tl. orðist svo:

- 40.4. Heimilt er að forhita mjólk við móttöku í mjólkurstöð til þess að auka geymsluþol hennar, ef geyma þarf mjólkina lengur en 36 klst. áður en gerilsneyðing hennar, pökkun og vinnsla hefst. Forhitun mjólk skal vera fosfatasa jákvæð. Þar sem forhitun verður ekki komið við er Heilbrigðiseftirliti ríkisins heimilt að leyfa tvígerilsneyðingu ef geyma þarf mjólkina lengur en 36 klst. áður en síðari gerilsneyðing, pökkun og vinnsla hefst. Heimilt er einnig að gerilskerða skyr (hitun upp í 68°C í 15—20 sek.) enda sé þess getið á umbúðum.

4. gr.

52. gr. 12. og 13. tl. orðist svo:

- 52.12. Strax að lokinni pökkun gerilsneyddrar mjólkur og ósýrðra mjólkurvara í mjólkurstöð mega ekki finnast fleiri koligerlar en sem samsvarar MPN (Most probably number) 5 í ml og heildargerlafjöldi má ekki vera meiri en 30 000 í ml með ræktun við 30°C í 72 klst.
- 52.13. Útlit, bragð og lykt gerilsneyddrar mjólkur og ósýrðra mjólkurvara skal vera óaðfinnanlegt á síðasta söludegi. Að jafnaði skal við það miðað að heildargerlafjöldi fari ekki yfir 100 000 í ml á síðasta söludegi.

5. gr.

Reglugerð þessi er sett með stoð í lögum nr. 12 frá 17. mars 1969, um hollustuhætti og heilbrigðiseftirlit, sbr. og lög nr. 24 frá 1. febrúar 1936, um eftirlit með matvælum og öðrum neyslu- og nauðsynjavörum og öðlast þegar gildi við birtingu.

Heilbrigðis- og tryggingamálaráðuneytið, 8. desember 1981.

Svavar Gestsson.

Páll Sigurðsson.

REGLUGERÐ

um breytingu á reglugerð nr. 81 8. mars 1973, um Vatnsveitu Raufarhafnar.

13. gr. reglugerðarinnar orðist svo:

Árlegur vatnsskattur skal reiknast af heildarmati hvernar fasteignar, þ. e. mat mannvirkja og lóðar, samkvæmt lögum um fasteignamat og fasteignaskráningu nr. 28 29. apríl 1973. Upphæð vatnsskatts skal vera 0,4% af fasteignamati húss og lóðar, eins og það er á hverjum tíma notað sem álagningastofn fasteignaskatts. Upphæð vatnsskatts skal þó aldrei vera lægri en kr. 50,00 fyrir hverja skattskylda fasteign. Þó skal aldrei reikna vatnsskatt af húsi það ár, sem bygging fer fram. Sé bygging eigi virt fasteignamatsvirðingu, skal greiða vatnsskatt samkvæmt lágmarksákvæðum þessarar greinar.

Vatnsskatt skal greiða af öllum húseignum á vatnsveitusvæðinu, sem vatn er veitt til eða vatnsað er frá. Fyrir tímabundin eða sérstök vatnsnot skal greiða sem hér segir, auk vatnsskatts:

- Vatnsnot í steypu til iðnaðar kr. 0,50 fyrir 100 kg af sementsnotkun.
- Fyrir þvottaplön, sem rekin eru til þvotta á bifreiðum, t. d. í sambandi við eldsneytissölu, skal greiða kr. 500,00 á ári fyrir vatnsnotkun.
- Fyrir vatnsnotkun í sláturhúsum skal greiða aukagjald kr. 0,20 fyrir hverja slátraða sauðkind.
- Fyrir vatnsnotkun við sildarsöltun skal greiða kr. 0,50 á hverja uppsaltaða tunnu sildar. Sama gjald er fyrir hverja tunnu af söltuðum hrognum.
Fyrir sjósaltaða sild, sem lögð er á land til pökkunar og þekklunar skal greiða kr. 0,25 fyrir hverja útskipaða tunnu.
- Fyrir vatnsnotkun við sildarbræðslu og aðra mjöl- og lýsisframleiðslu skal greiða kr. 2,50 fyrir hvert innvegið tonn af hráefni.
- Fyrir vatnsnot við fiskverkun skal greiða kr. 2,50 á hverja smálest af innvegnum fiski, þar sem ekki er vatnsmælir.